

BULATAKI NI MASU

Lesoni 7, 16 ni Me, 2026

“Dou vakararavi
vua ena veisiga
kecega; oi
kemudou na
tamata, dou sova
yani na lomamudou
e matana; sa noda
I drodro na Kalou”



(Same 62:8)



O Paula e vakamasuti keda me da “masu tikoga” (Efe. 6:18), kevaka madaga sa kasura na noda vuravura; se balavu na gauna ka sega ni saumi na noda masu.

Ena veigauna vakaoqo, ena vakayaloqaqataki keda na masu vakataka na nei Ilaija se o Ana.

Ia me vakaevei na noda masu? Na cava me da kerea ena masu? Me da masu duadua? Se masu vata kei ira tale e so? E vakatarai keda beka ga na masu me da vosa vua na Kalou, se vakatarai keda me da vakarorogo vua me vosa vei keda?



Masu ena gauna dredre:



Ilaija: Masu ena gauna dredre



Ana: Berabera ni saumi na masu



Ai vakaraitaki ni masu:



Jisu: Na lewe ni nona masu



Taniela: Na I wasewase ni masu



E va na taro baleta na masu



MASU ENA
GAUNA DREDRE

ILAIJA: MASU ENA LOMA NI GAUNA DREDRE


"A sa kaya ko koya, Au a yalokatakata vakalevu ena vukui Jiova ni lewe vuqa: ni ra sa biuta na veiyalayalati kei kemuni ko ira na Isireli; era sa talaraka sobu na nomuni cabocabo ni soro, ka vakamatei ira na nomuni parofita ena I seleiwau; ia koi au, kau sa vo duaduaga; a ra sa segata me vakamatei au.'" (1 Tui 19:10)



E sauma vakacava na Kalou noda masu ena gauna dredre?

Na Kalou e sauma vakatotolo e dua na masu rawara-wa sara nei Ilaija ena bukawaqa (1 Tui 18:36-38).

Ni oti e vitu na yabaki nona kerea tiko na uca, na Kalou e sauma ena dua na o lailai ka yaco me dua na uca bi (1 Tui 18:42-45).



Ni kerea o Ilaija me mate, e galu tu na Kalou, ka tala na nona agilosu me vakani koya (1 Tui 19:4-8).

Ni bikai na lomana ena qaravatu, sa qai rogoca na domo ni Kalou ko Ilaija ni sauma na nona masu ni rarawa (1 Tui 19:9-18).

E dua na I sauni masu e vakasauri ka veivakurabuitaki. E dua tale ni cabo oti vaka 7 na masu sa qai talai mai na uca. A kena I otioti, ni oti e 40 na siga, a vosa e veivakayaloqataki. Na Kalou e kila na gauna kei na I vakarau me sotavi keda kina



ANA: BERABERA NI SAUMI NA MASU

“Au a kerea na gone oqo; a sa solia mai vei au ko Jiova na ka ka’u a kerea vua.” (1 Samuela 1:27)

Na kerekere nei Ana me dua na luvena e vaka me totolo na nona sauma na Kalou (ena loma ni nona waraka ena 9 na vula ga) (1 Samuela 1:9-20).



Ia, ni da wilika na veitikina taumada, eda raica ni a taura e dua na gauna balavu na kena saumi mai (1 Sam. 1:1-8).

O Penina, nai karua ni wati Elikana, e “vakaluveni”—e vuqa na luvena—ena “veiyabaki ga” ka vakacudrui Ana kina baleta ni sega ni solia vua na gone.


Ena yasana koya, e vica na yabaki, ka vakaotia ko Ana me kerea tiko na gone qai sega tikoga ni saumi nona masu?

Ena so na gauna, e galu na Kalou ni da nanumi keda ga vakataki keda (James 4:3); maroroya na l valavala ca (Same 66:18); vakatitiqa (Jemesa 1:6); se, e se sega ga ni kena gauna.

Ia, Na Kalou e raica vakaoti na keda l yaloyalo ka kila rawa na ka e yaga dina vei keda (Jere. 29:11). Ena sauma ena nona gauna ga, kena na nona gaunasala, na masu ni vakabauta (1 Jn 5:14-15).



AI VAKARAITAKI
NI MASU



JISU: NA LEWE NI NOMU MASU

“O koya mo dou qai masu vakaqo: Tamai keimami mai lomalagi, me vakarokorokotaki na yacamuni’ ”
(Maciu 6:9)



Na masu ni vakayatuyatu balabalavu me ra doka na ko irana vakarogoca e sega ni o koya na masu ka vakatavuvulitaka ko Jisu vei keda (Maciu 6:5-8).

A noda masu me matata ka rawarawa, ena vosa rawarawa eda veivosaki kina ena veisiga. Na masu e tiki bibi ni noda bula.



“Vulica na masu lekaleka ka vakadodonu ga kina veika e vinakati me tukuni, kerea na veika ga ko gadreva. Vulica mo masu me vaka ni na rogoci iko ga na Kalou. Kakua ni buia nomu masu me vaka na nomu tatadra, ia me vakatakilai dina na gagadre ni viakania na “Madrai ni Bula.” (E.G.W. “Our high Calling”, May 4)



JISU: NA LEWE NI NOMU MASU



Oqo nai vakaraitaki ni masu ka solia vei keda:

“Tamai Keimami mai lomalagi”

Me da kila taumada na noda veiwekani voleka kei na Tamadra na tamata kece

“Me vakarokorokotaki na yacamuni”

Me da kila ni savasava ni Kalou e dreti keda vua ena vakarokoroko

“Me yaco na nomuni lewae”

Me da kila ka nanamaki ki na lesu mai nei Jisu

“Me caka na lomamuni e vuravura me vaka sa caka mai lomalagi”

Me da ciqoma na I tutu vaka tui ni Kalou ka kerea me cakava na lomana e na noda bula kei vuravura

“Solia mai vei keimami ena siga oqo na kakana e yaga vei keimami”

Me da kerea na veika e gadrevi me da bula kina vakayago ka vakayalo

“Ia kakua ni cudruvi keimami ena vuku ni neimami valavala ca...”

Me da veivutuni, qara na veivosoti ka vosoti ira era vakararawataki keda, me vaka ga nona vosoti keda na Kalou

“Ia kakua ni kauti keimami ki na vere, ka mo ni vakabulai keimami mai na ca”

Kerea na veitaqomaki kei na veimaroroi mai na vunica ena vuravura qo

“Ni sa nomuni na lewa, keina kaukauwa kei na vakarokoroko ka sega ni mudu...”

Me da ciqoma ni veika kece eda taukena e nona na Kalou. O koya duadua ga e dodonu me vakavinavinakataki ka dokai

TANIELA: NA I WASEWASE NI MASU

“Ia kau a vaqara na mataqu vua na Turaga na Kalou, meu vakasaqarai koya ena masumasu kei na kere loloma, ena lolo kei na I sulu taga kei na dravusa” (Taniela 9:3)

Na masu ka volai ena Taniela 9:4-19 e vakaraiutaka vei keda e va na I wasewase lelevu ni masu:

Vakarokoroko
(Tani. 9:4)

Kerekere
(Tani. 9:16-19)

Vakatutusa kei na
veivosoti
(Tani. 9:5-15)

Vakavinavinaka
(Fpai. 4:6)



E takosovi Taniela o Keperieli ni bera ni vakaotia na nona masu (vakavinavinaka).

Na I wasewase oqo e sotava na noda masu yadua se ena soqosoqo lotu. E matata, na “vakatutusa kei na veivosoti” erau tiki bibi ni masu.

Na veiwasewase oqo e vukei keda me vakanamata noda masu vua na Kalou, ka tarova noda vinakata e levu na ka mai na valeniyau vakalomalagi.





E VA NA TARO
BALETA NA MASU

Na cava me da masu kina, Kalou kila oti na ka kece ?

Na Masu e laveti keda cake yani kina I tikotiko vakaturaga ni Kalou sa dusimaki keda me da dikevi keda ka vakananuma noda veiwekani kei Koya.

Yalo Tabu ena vukei keda kevaka eda sega ni kila na ka meda cavuta (Rom. 8:26).



Na cava me da masu kina ni vinaka tu na ka kece?

Agilosu tawacala era lotu ka sega ni mudu vua na Kalou. Sa qai sega li ni dodonu vei keda?

Na nanuma me kakua ni da masu vua na Kalou baleta ni vinaka tu na ka kece sai koya na dokadoka.



O cei me keirau masu vata?

Vakatau ena gauna:

1. Tiko duadua. Na gauna ni masu ee talaucaki kina na ka kece.
2. Vakavuvale, I kumukumu lalai.
3. Soqosoqo lotu.



Me vakarorogo ena cava?

Na kena gaunisala vinaka duadua sai koya me salavata na masu kei na vulici ni Vola Tabu me tiki ni tubu vakalotu ka levea na noqu vakarogoci au tikoga ena noqu masu.



“Na ivakarau ni noda masu ena vakatautaki ena titobu kei na bibi ni veika eda gadreva ke sega ena sega ni rogoci.

Ia meda na kua ni oca se cegu mai na noda kerekere ke mani sega ni vakilai totolo na isau ni masu. “E lako curuma mai kina na matanitu vakalomalagi nai tovo kaukauwa, ka ra saga o ira nai tovo kaukauwa oqo me ra cicivaka” (Maciu 11:12)

Na itovo kaukauwa e tukuni tiko oqo sa ikoya na sasaga vakaukauwa vakayalo me vaka a vakaraitaka o Jekope. E sega ni na gadrevi meda na uqeti cake ena yalokaukauwa, ia meda yalo dei ka dina ena noda tukituki tiko ena tikotiko tabu sa drodro mai kina na garasia vakalomalagi.

Sa noda itavi meda yalomalumalumu vakaoti ena matani Kalou, da vakatusa na noda ivalavala ca ka toso voleka yani vua na Kalou.”